

[fol. 37v]

Einnamb vmb verkaufte Trebern

Die hieuer gemelte 272 Preu Trebern sein
nachfolgendermassen verkaufft worden, als
151 Preu zu 4 Gulden, *thuet* fl. 604 kr. —
121 Preu zu 3 Gulden, *thuet* fl. 363 kr. —
bringt in Summa fl. 967 kr. —

Vnd kombt ain Preu in die ander vmb 3 fl.
33 kr. 2 hl.⁷⁴ Hieupon gebiren Ihr Churfürstlich Durchlaucht
zway Drittail vnd dem Preuverwalter
zu seiner Besold- oder Ambtsnuzung ain Drittail.
Thuet Ihr Churfürstlich Durchlaucht Gebür fl. 644 kr. 40,
vnd weiln aber von sollichem verer dem al-
hiesigen Casstner iehrlichen an statt seines
prætendirten Claindiensts, so hieuer ain
Casstner von der dahin vrbar gewesten
vnd an yëzt zu zu dem Curfürstlichen Preuhaus ge-
zogenen Statmill gehebt, 4 Preu Trebern.

[fol. 38r] Dann zum Schloss Randekh wegen deß Tribs
yber desselben Wisen in Abfiehrung deß Holzs
1 Preu. Item ainem Pflieger alhie wegen
eingefangnen Plazs von der Pfleg- oder Ambts-
wisen, negst dem Preuhaus yber gelegen, zur
Holzlag, iehrlich 5 Preu. Vnd dem
Preugegenschreiber zur Ambtsnuzung iehrlich
32 Preu genedigist bewilligt vnd geben worden.
Thuet ihnen sament 42 Preu, treffen in
Gelt 149 fl. 16 kr. 4 hl., von obiger
Summa *defalcirt*, verbleibt Ihr Churfürstlich Durchlaucht,
Vnserm genedigisten Herrn *etc.*
495 fl. 23 kr. 4 hl.

Summa per se [495 fl. 23 kr. 4 hl.]

[fol. 38v]

Einnamb vmb verkaufte Piervas

Diß Jahrs seind verkhaufft worden Gannze
Virtl Vaß 13, yedes *per* 1 Gulden, vnd 5 Halbe,
ains vmb virzigg kr., zusammen an Gellt
16 fl. 20 kr.

Summa per se [16 fl. 20 kr.]

⁷⁴ Mathematisch exakt sind es 3 fl. 33 kr. 2,47 hl.